



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav (1) tačka 2. i člana 74. stav (1) Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2022. godine, primilo je k znanju

Informaciju o privrednoj saradnji Grada Sarajeva sa pobratimskim i partnerskim gradovima

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O PRIVREDNOJ SARADNJI GRADA SARAJEVA
SA POBRATIMSKIM I PARTNERSKIM GRADOVIMA

Predlagač: Gradonačelnica
Obrađivač: Stručna služba za protokolarne poslove, odnose s javnošću i međunarodnu saradnju

Sarajevo, decembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o privrednoj saradnji Grada Sarajeva sa pobratimskim i partnerskim gradovima

Programom međunarodne saradnje Grada Sarajeva za 2022. godinu, broj: 01-GV-02-1777/21 od 29.12.2021. godine, planirana je Informacija o privrednoj saradnji Grada Sarajeva sa pobratimskim i partnerskim gradovima tokom 2022. godine.

Fokusirajući se na razvojnu komponentu, Grad Sarajevo, kroz svoje redovne aktivnosti sa međunarodnim partnerima, nastoji doprinijeti afirmaciji glavnog grada Bosne i Hercegovine kao političkog, privrednog, kulturnog, sportskog, univerzitetskog i turističkog centra regije i Evrope uopće.

U 2022. godini Grad Sarajevo je ostvario niz susreta sa predstavnicima pobratimskih, prijateljskih i drugih gradova i međunarodnih institucija, te diplomatsko-konzularnih predstavništava sa sjedištem u Bosni i Hercegovini i izvan nje. Tokom tih susreta razgovarano je o uspostavljanju ili unaprjeđenju postojeće saradnje u različitim oblastima, među kojima je i privredna saradnja koja se uspješno realizuje uspostavljanjem direktnih kontakata između privrednih komora, razmjenom posjeta privrednika ili biznismena, a sve sa ciljem da bosanskohercegovačka prijestolnica zauzme značajno mjesto na regionalnoj, a Bosna i Hercegovina na ekonomskoj i poduzetničkoj mapi Evrope i svijeta.

Kroz razgovore i neposredne kontakte sarajevskih i privrednika pobratimskih, prijateljskih i drugih gradova Evrope i svijeta, otvaraju se mogućnosti za unaprjeđenje poslovno-tehničke saradnje, kao i za investiranje u Kanton Sarajevo i glavni grad Sarajevo koji imaju potrebu za dinamičnim i modernim razvojem. Pri toj poslovnoj komunikaciji, nemjerljiva je uloga privrednih komora kao posrednika između kompanija, biznis centara, privrednika.

Prepoznavši značaj bosanskohercegovačke dijaspore i uvezivanja privrednog i poslovnog svijeta, Grad Sarajevo je u skladu sa Odlukom Gradskog vijeća, donesenom na 18. sjednici održanoj 26.07.2022. godine, potpisao Memorandume o saradnji sa Svjetskim savezom dijaspore Bosne i Hercegovine, nevladinom organizacijom „Naša perspektiva“ i Sarajevskom regionalnom razvojnom agencijom (SERDA), u oktobru 2022. godine.

Cilj zajedničkog djelovanja je rad sa lokalnim zajednicama i involviranje dijaspore u lokalni ekonomski razvoj, promocija grada Sarajeva kao investicione i turističke destinacije; uspostavljanje kontakata sa investitorima iz bosanskohercegovačke dijaspore; predlaganje investicionih projekata i njihova prezentacija potencijalnim investitorima; uspostavljanje saradnje između biznismena dijaspore i biznismena Sarajeva i Bosne i Hercegovine uopće.

Imajući u vidu da je turizam najpotentnija privredna grana, te da je grad Sarajevo jedna od popularnijih turističkih destinacija koja privlači mnoge posjetioce tokom čitave godine, Grad Sarajevo i Turistička zajednica Kantona Sarajevo potpisali su 26.04.2021. godine Protokol o saradnji u pogledu promocije, razvoja i unaprjeđenja turizma i turističkih vrijednosti glavnog grada Bosne i Hercegovine.

Ovim Protokolom ostvaren je partnerski odnos kojim su ostvareni značajni rezultati kada su u pitanju projekti od zajedničkog interesa, kao što su promocija ljetne i zimske turističke sezone, domaći i međunarodni sajmovi turizma, te Javni doček Nove godine. Osnovni cilj je da se bogatim i sadržajnim programom tokom cijele godine, kako građanima Sarajeva, tako i posjetiocima i turistima ponudi izvanredna atmosfera koja će u konačnici rezultirati ponovnim izborom Sarajeva kao poželjne destinacije.

Govoreći o ovoj privrednoj grani, važno je istaći da su dijaspore širom svijeta stvorile tzv. turizam dijaspore, koji u osnovi podrazumijeva posjete rodbini i prijateljima u zemlji porijekla u kojoj se prakticiraju turistički obilasci, zdravstveni, vjerski, eko i etno turizam, kao i drugi vidovi turizma.

Uloga bosanskohercegovačke dijaspore u razvoju turizma u Bosni i Hercegovini je višestruka: pripadnici dijaspore su konzumenti turističke ponude, promotori turističkih resursa Bosne i Hercegovine i njenog glavnog grada, posrednici koji doprinose brojnijem dolasku stranih turista, te su investitori u sektoru turizma u svojoj domovini.

Stoga, Grad Sarajevo zajedno sa Turističkom zajednicom Kantona Sarajevo poduzima brojne aktivnosti kako bi kreirao nove sadržaje, obogatio turističku ponudu i privukao što veći broj turista koji će imati razlog ne samo da se ponovo odluče za dolazak u Sarajevo, nego i da produže period svog boravka.

Važno je napomenuti da je iniciranje privredne saradnje ili stavljanje na raspolaganje u procesu uspostavljanja privrednih kontakata, sastavni dio većine sporazuma ili memoranduma koje Grad Sarajevo preuzima kao obavezu njihovim potpisivanjem sa drugim gradovima. Od sporazuma i memoranduma koji su potpisani tokom 2022. godine, a u kojima se ističe i privredna saradnja, izdvajamo sljedeće:

- Sporazum o bratimljenju između Grada Sarajeva i Glavnog grada Podgorice. Prva zajednička aktivnost dva pobratimska grada bit će održavanje „Dana Sarajeva u Podgorici” i „Dana Podgorice u Sarajevu”, u sklopu kojih će biti predstavljeni kulturni, turistički i privredni potencijali bosanskohercegovačke i crnogorske prijestolnice.
- Sporazum o bratimljenju između Grada Sarajeva i Grada Ljubljane.
- Privredna saradnja je, također, sastavni dio Memoranduma o razumijevanju između Grada Sarajeva i Grada Rima, čije potpisivanje je planirano u Rimu u januaru 2023. godine.

Od sastanaka koji su održani tokom 2022. godine, a na kojima je razgovarano o privrednoj saradnji i jačanju poslovnih i turističkih veza, izdvajamo:

- Okrugli stol koji je na temu aktiviranja direktne avionske linije Bari – Sarajevo organizirala italijanska Regija Apulija 25.01.2022. godine. Konstatovano je da bi aktiviranje ove avio linije povezalo Sarajevo sa lučkim gradom Barijem – važnim privrednim, turističkim i univerzitetskim centrom južne Italije; približilo njihove historijske, kulturne i prirodne ljepote i znamenitosti; spojilo privrednike, umjetnike, studente i građane. Pored gradonačelnice Sarajeva, učesnici ovog okruglog stola bili su brojni predstavnici političkog, privrednog, turističkog, univerzitetskog života dvaju gradova, regija i država.
- Gradonačelnica Sarajeva Benjamina Karić održala je 02.06.2022. godine sastanak sa predstavnicima Privredne komore Istanbula na kojem je razgovarano o aktivnostima i podršci koju Komora pruža u povezivanju turskih i bosanskohercegovačkih privrednika.
- Zamjenica gradonačelnice Sarajeva Anja Margetić primila je 21.02.2022. godine delegaciju rumunskih privrednika koji su iskazali zainteresiranost za mogućnosti ulaganja Sarajeva, pa je to bio i dobar povod za razgovor o projektima i programima koje Grad Sarajevo predviđa u bliskoj budućnosti. Margetić je istakla da Grad Sarajevo stoji na raspolaganju za inicijative koje doprinose jačoj povezanosti privrednih subjekata BiH i Rumunije, a samim tim i investicije. Sagovornici su se

složili da je neophodno nastaviti aktivnosti na intenziviranju odnosa na univerzitetskoj, kulturnoj i turističkoj saradnji njihovih prijestolnica, Sarajeva i Bukurešta, te uspostavljanju direktne avionske linije.

- Grad Sarajevo je priredio večer dobrodošlice za učesnike i investitore 11. Sarajevo Business Foruma, respektabilnog međunarodnog poslovnog i privrednog događaja, u Vijećnici 10.05.2022. godine. Gradonačelnica Sarajeva Benjamina Karić je u svom obraćanju poželjela da Forum protekne u uspješnoj razvojnoj priči, razmjeni iskustava i dobrih praksi, te uvezivanju privrednog i poslovnog svijeta gradova i država koja će biti krunisana konkretnim ugovorima i partnerstvima.

Zaključak:

Grad Sarajevo, i pored toga što ima ograničene nadležnosti u oblasti privrede i ekonomije, svojim djelovanjem u oblasti međunarodne saradnje ima priliku da, u okviru svojih mogućnosti, kroz kontakte sa pobratimskim i prijateljskim gradovima, međunarodnim institucijama, kao i sa bosanskohercegovačkom dijasporom, podstiče privrednu saradnju glavnog grada Bosne i Hercegovine, razmjenjuje korisne informacije, posreduje u razvoju privredno-ekonomskih veza i uspostavljanju kontakata između privrednih komora, te doprinosi predstavljanju potencijala na privrednom, kulturnom i turističkom planu.